

*Auf sein Wort hin... Zuhause innehalten:
Gemeinsam beten, feiern, singen, reden
und gutes Tun: Das macht ein christliches
Leben aus. Die Gläubigen können sich
daheim als Hausgemeinschaft
versammeln oder sich allein im Gebet mit
der ganzen Kirche verbinden.*

La diozeja met sön sōa plata internet de
vigne sort de propostes por perie y tigní
les festes a ciasa te familia.
Cöstes cialfunse sot a:
www.bz-bx.net/de/zuhause (todesch)
www.bz-bx.net/it/pregareacasa
(talian).



Vita de ploania y de paisc

Gherlandes d'Advent: la ploania envieia les families da meter sō desco vign'ann na gherlanda d'Advent tles ciasas. Ares gnará benedides **en sabeda ai 28 de november** dertan le guldano, y i sun düc enviés da perie empara.

Al ven lascé alessei che l'Uniun dles Eres á por cösc ann mossü desdí l'aziun dles gherlandes d'Advent y porchel ne nen gnará nia vonü, desco zonga, la pröma d'Advent.



Enformaziuns y termins

Ciasa de Palsa: l'aministrazion dla Ciasa de Palsa "Ojöp Frëinademetz" envieia ia la procedöra de cerna por l'enciaria da responsabl/a dl'economia dla ciasa (5^a qualifica funzionala). La procedöra ven fata a usc y al ô ester chisc recuisic por podei to pert: diplom dla scora mesana o dla scora elementara y emplü diplom dla formaziun trienala dla scora profesionala por l'economia dla ciasa o diplom dla scora mesana o dla scora elementara y emplü frequentaziun ciamó de trei agn de scora o formaziun profesionala triennala o formaziun profesionala bienala y emplü na spezialisaziun tal setur con almanco 400 ores de ensegnamont o formaziun ecuivalenta de teoria y pratica. Al ô ince ester la patent B y le zertificat de trilinguism B1 (ex C). Al ven damané esperionza tal ciamp dl'organisaziun dl'economia dla ciasa. Al pó to pert aspiranc/antes dal grup linguistich ladin. L'enciaria é a tomp parzial 50% y a tomp determiné y pó gní prolongiada. I formulars cialfun sot www.ciasadepalsa.it y mess gní dés jö tai ofizi dla Ciasa de Palsa a San Martin cina ales 12:00 dai 04 de dezember 2020. Enformaziuns plü monüdes pó porsones enteressades damané tai ofizi dla Ciasa de Palsa, ☎ 0474 524786.

Sorvisc ai Jogn: al vgn lascé alessei che porsones de tomp o en carantena co adora zacai co vá a ti cumpré medejines o patüc da mangé pó telefoné te so Comun de residenza. Al é jogn y jones dla valada co se met a desposiziun da jí a cumpré ete.

Döt le bun a: Berta Comploi * 22.11.1934
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

Re co sta dla pert dai püri


📖 **Ez 34, 11–12.15–17 | 1 Cor 15, 20–26.28 | Mt 25, 31–46**

Dal Vangelo do San Mateo:

³⁴Danló ti dijará le re a chi a sōa man derta: Gnide ca, os benedís da mio Pere, tolede le regn, co é destiné por os dala creaziun dal monn encá. ³⁵Deachi i â fan, y i m'eis dé da mangé; i â sei, y i m'eis dé da bere; i ea forest y zonga tet, y i m'eis dé alberch; ³⁶i ea desnü, y i m'eis iestí; i ea amaré, y i seis gnüs a mo cialfé; i ea te porjun, y i seis gnüs da me. ³⁷Spo ti respognará i iüsc: Signur, can t'anse pa odü arfamé y t'án dé da mangé o asseté y t'án dé da bere? ³⁸Y can t'anse pa odü forest y zonga ciasa y t'án tut sō, o desnü y t'án iestí? ³⁹Y can t'anse pa odü amaré o te porjun y sun gnüs da te? ⁴⁰Sön chera ti respognará le re: Amen, i ves diji: Vigne ota ch'i eis fat cöstes cosses ince ma a önn su de chisc mi mendri fredesc, les eise fat a me. ⁴¹Spo s'ojarál ince pormez a chi a man ciampa y ti dijará: Demez da me, os maledis, tal fū etern, che é destiné por le malan y sü angeli. ⁴²Deache i â fan, y os ne m'eis nia dé da mangé; i â sei, y os ne m'eis nia dé da bere; ⁴³i ea forest y zonga tet, y os ne m'eis nia dé alberch; i ea desnü, y os ne m'eis nia iestí; i ea amaré y te porjun, y os ne seis nia gnüs a mo cialfé. ⁴⁴Spo respognarál ince ei: Signur, can t'anse pa odü arfamé o asseté o zonga tet o desnü o amaré o te porjun y ne t'án nia daidé? ⁴⁵Sön chera ti respognarál: Amen, i ves diji: Vigne iade ch'i n'eis nia fat cöstes cosses a önn su de chisc mendri, ne les eise nia fates a me. ⁴⁶Y ai s'án jará demez y ai cialfará le castigo etern, i iüsc endere la vita eterna.

Oraziun dal de

*Periun! Dio onipotent y etern, te i as dé a to Fi
bunorü döta la potenza tal ci y söla tera y te l'as
motü a ce dla creaziun nea: delibreia dötes les
creatöres dala potenza dal mal ch'ares te
sorvesci te su y te renomeii por döta l'eternité.
Do cösc te periunse por nosc Signur Gejú Crist,
to Fi, co é Dio y vir y regneia con te t'unité dal
Spirit Sant por düc i secui dai secui. – Amen*



📖 **Letöres dla Pröma domegna d'Advent (B) | Domegna dla dljija te ciasa:**
Is 63, 16b–17.19b; 64, 3–7 | 1 Cor 1, 3–9 | Mc 13, 24–37

Edema liturgica dai 22.11. ai 29.11.2020

DOM 22.	GRAN FESTA DE CRIST RE ultima domegna dal ann liturgich FESTA DE SANTA ZEILIA	<i>Zeilia, Salvatur</i>
08:30 10:00	gran messa por dōta la ploania y por i Ciantadús <i>s.m. a Al Plan</i>	<i>offerta por la ploania</i>
Lön 23. 18:00	<i>Clemens I., Columban, Felicita</i> <i>s.m. a Al Plan</i>	
Ded 24. 07:30	<i>Andreas Dung-Lac y compagns, Flora</i> s.m. por † Ida Frontull, Mareo s.m. por † Emilia Kastlunger, Alnei s.m. por les Püres Armes	
Dem 25.	<i>Caterina d'Alessandria (Tarina), Elisabeth</i>	
Jöb 26. → 19:00	<i>Konrad y Gebhard, Ida, Albert</i> s.m. d'aniversar por † Regina Kehrter Terrabona, Foltn s.m. por †† Carlo y Iaco Kehrter, Tistler s.m. por les Püres Armes	
Ven 27. 07:30	<i>Virgil, Oda</i> <i>s.m. a Al Plan</i>	
Sab 28. → 19:30	<i>Sabeda de Santa Maria Berta, Günther</i> Rorate por la vijinanza da Curt con benedisciun dles gherlandes d'Advent tles ciases s.m. dal ann por † Ludwig Erlacher, Plaza	
18:00	<i>s.m. prefestia a Al Plan</i>	
DOM 29.	Prōma domegna d'Advent (B) Domegna dla dljia te ciasa	<i>Friedrich, Iolanda, Jutta</i>
08:30	gran messa por dōta la ploania <i>s.m. a Al Plan</i>	<i>offerta por la ploania</i>
→ 19:00	les ciampanes sona ete l'Advent y envieia al'oraziun te familia	
10:00	<i>s.m. a Al Plan</i>	
<i>ampola:</i>	do intenziun por la sanité	

<i>ministronc:</i>	<ul style="list-style-type: none"> • dedolōnesc y sabeda: Lisa y Emma C. • jōbia y domegna: Noemi y Sabine
--------------------	--

<i>i recordun:</i>	Ludwig Erlacher	† 27.11.2019
--------------------	-----------------	--------------



Püre re, re dai püri (Mt 25, 31–46)

I ponsi do

*Ala fin de nosta vita
encuntarunse dūc Gejú
y i gnarun iudichés sōn
l'amur. Sōa iustizia y
regnanza é basada sōn
na conescionza via dal
cōr de vigne porsona.
L'amur che Gejú
damana é concret,
nia ma plen de beles
parores y bones
intenziuns.
El enstes se manifesteia
te chi co se stonta y
adora nosc aiūt.*

I preii ensciö

Olá pói pa t'encunté, Signur? I ne messi nia jí sō a ci por contemplé tōa gloria; nia ma te dljia a perié to ennom. I va por i trus dla vita y t'encunti te chi co n'è nia plü bogn da jí deache ai é püri o ciodi ch'ai é prijoniers. I va tles ciases de nūsc paisc y t'encunti te chi no n'á gnanca en daciasa. I passi por ciampoprés, ciari sō a ci y t'encunti te chi co ne ciafa dla tera plü degün früc y dal ci plü degüna ega. I t'encunti te chi co patesc le freit y n'á nia da se iestí, te chi co á en cōr dlacé y ne ciafa degün amur. T'es en Re co s'á chirí desco tronni le dolur y desco palaz la meseria. Famo jí fora dles strades co slomina y porta ai tronns endorés y ai ciastí plens de richeza. Condüjemo sōn les strades ertes y plenes de stōp co porta al amur: al é les strades de to Regn, i trus dla ligreza.

Walter Cazzaniga, Parola amica – Il Vangelo della domenica per ragazzi



Ultima domegna dal ann liturgich

Beldio, tō che te i ôs bun ala porsona, s'as te cōsc ann dla dljia co va a piz porté dampró la Bona Noela de Gejú Crist, To Fi, tres la testimonianza dal evangelist Mateo. I te periun: renforza to regn danter nos, ch'i stunse ete por la pesc y viunse tōa misericordia, encö y dūc i dis de nosta vita. – Amen.



Santa Zeilia



Lascéde ressoné danter os salms, inns y ciances,
desche le Spirit s'al dá ete!
Ciantéde y iubiléde con dōt le cōr a lalt dal Signur!

San Paul al Efejins (Ef. 5,19)

Ai 22 de november recordunse santa Zeilia, martira dal 3° secul, patrona dla musiga sacra. Ince sc'i ne sciafiun eniann nia da veneré cōsta santa con solenité desco zonga, ti dijunse encö en gran iolan dal impegn volontar, dla desponibilité, dla lezitonza, dal entusiasma a dūc chi co met sōes facultés, sū talenc y de so tomp a sorvisc dla musiga de dljia y dla comunité. Con le cianté y le soné ti vegnel scinché ligreza, forza y orientamont a tan de porsones. Con le cianté y le soné vegnel testimonié y aprofondí la fede y encündé la parora de Dio con la richeza y l'armonia dles usc y dai sons. De cōr iolan a dūc!

Na gran forza ciafa le cianté canche dōta la comunité s'unesc te öna na usc a cianté le lalt de Dio desche la prefaziun envieia tres danö. I se proun porchel da cianté empara!